



# MWANZA DISTRICT EXAMINATIONS BOARD

2024 MALAWI SCHOOL CERTIFICATE OF EDUCATION MOCK EXAMINATIONS

## CHICHEWA

Monday, 25 March

Subject number: M032/II

Time allowed: 2 hours

1:00 -3:00 pm

### PAPER II (Malikisi 90)

Malangizo:

1. Onetsetesani kuti pepalali lili ndi masamba osindikizika khumi ndi limodzi
2. Mgawo A: Malamulo a chiyankhulo: yankhani mafunso onse (Malikisi 40)
3. M'gawo B: Kumvetsa nkhani: Yankani mafunso onse (Malikisi 20)
4. M'gawo C: Chifupikitso (Malikisi 15)
5. M'gawo D: Chimasuliro (Malikisi 15)
6. Lembani **dzina lanu** pamwamba pa tsamba **lililonse** loyankhirapo.
7. Perekani pepalali kwa oyang'anira mayeso nthawi ikakwana.

Funso	Chongani funso ngati mwayankha	Muno osalembamo	
1			
2			
3			
4			
5			
6			
7			
TOTAL			

**GAWO A (MALIKISI 40): MALAMULO A CHIYANKHULO**

1. a. ) Tchulani mitundu ya kanenedwe ka aneni omwe atsekedwa mzere kungsi kwawo mzigamnizo zotsatirazi

i) Sinditha kuyendetsa njinga ya moto.

---

ii) Ndipatse zomwe watengazo.

---

iii) Ause muntendere.

---

iv) Udzichedwa kuti usakumane nawo.

---

v) Ndidzakuona ndikamaliza kudya nsima.

---

(Malikisi 5)

b) Pangani ziganizo zanzanu zomveka bwino ndi aperekezi osonyeza ntchito zotsatirazi

i. Kusonyeza chipangizo.

---

ii. Kusonyeza umwini

---

iii. Kusonyeza mbali

---

iv. Kusonyeza nthawi.

---

v. Kusonyeza mgwirizano

---

(Malikisi 5)

2. A). Tchulani ntchito za “li” “ti” ndi “ndi” mziganzo zotsatirazi;

i. Victory walitchola khasu lija.

\_\_\_\_\_

ii. Jones watibweretsera mavuto pakhomo pano.

\_\_\_\_\_

iii. Ndabwera ndi mzanga.

\_\_\_\_\_

iv. Ndawauza kuti aphike ndi kugawa nsimayo.

\_\_\_\_\_

v. Muyende ndi mnyamatayo.

\_\_\_\_\_

(Malikisi 5)

B). Tchulani mitundu ya akapandamneni omwe atsekedwa mzere kungsi kwawo m'ziganizo zotsatirazi

i) kupita ku sukulu ndi chinthu chofunika kwambiri.

\_\_\_\_\_

ii) Mwana wosamvera makolo ake afe ndithu.

\_\_\_\_\_

iii) Agulitsa mbuzi ziwiri dzulo.

\_\_\_\_\_

iv) Wayankhula motumbwa zedi choncho sindikuthandiza.

\_\_\_\_\_

(Malikisi 4)

3. Tchulani nthawi ya mneni yemwe watsekedwa mzere kungsi kwake m'ziganizo zotsatirazi

i) Chimwemwe ndi Aliko akuyimba nyimbo.

\_\_\_\_\_

v) Anthu ambiri adzidzandidalira ndikadzayamba ntchito.

\_\_\_\_\_

vi) Kale nyama zakutchire zimakhalirana bwino ndi anthu.

---

(Malikisi 6)

b. . Fotokozani kuti mayina otsatirawa apangidwa bwanji:

i. Madandaulo

---

---

Ukulu

---

---

(Malikisi 4)

4. Tchulani mtundu wa nthambi ya chiganizo yosaima payokha yomwe yatsekedwa mzere kungsi kwawo mziganzo zotsatirazi.

a) Adandiuza komwe amaphunzira.

---

---

b) Iwo ndi amene adayimira uphungu wa kunyumba ya malamulo.

---

---

c) Ana omwe achita bwino alandira mphoto.

---

---

d) Muuzeni avine monga akufunira.

---

---

(Malikisi 4)

b. Pangani ziganizo ndi mvekero yomwe ili m'gulu yotsatirayi

(i) Gulu lokhala ndi maphatikizo anayi.

---

---

(Malikisi 2)

(ii) Gulu la mawu obwerezeka.

---

---

(Malikisi 2)

(iii) Gulu la phatikizo limodzi

(Malikisi 2)

**Gawo B (Malikisi 20)**

**Kumvetsa nkhani ndi kusanthula chiyankhulo**

**5. Werengani nkhani ili m'munsiyi mosamala ndipo muyankhe mafunso otsatirawo**

Anthu onse pasiwa adali khumakhuma podziwa kuti tsikulo silitha bwino. Atsibweni a Ndagona adaonetseratu kuti adali wokwiya kwambiri ndi khalidwe la mpongozi wawo. Anthuwo maso adali yuu kunjira kudikirira Mfumu Zathaizi yomwe imabwera kudzaonerera mwambo wosudzula amake Ndaipalero, mkazi wa Ndagona.

Pasiwa paja padalibe phokoso lililonse. Anthu ankangoyang'anizana. Amake Ndaipalero ndi ana awo asanu adali khuma pafupi ndi khola la ngondolo. Kamodzikamodzi mayiyu ankamveka kufwenthera kusonyeza chisoni chake komanso mantha pa zomwe amaganiza kuti zitha kuchitika patsikulo. Katundu yense wa m'nyumba ya Ndagona adali ataikidwa pamodzi ndipo atamuwaza kale mankhwala, ati kuchotsa mizimu yoipa, komanso kuti anthu athe kumugwiritsa ntchito popanda vuto lililonse. Amake Ndaipalero sadaloledwe kugwira kanthu kalikonse ati kuopa kuti angasowetse katundu wina m'nyumba muja. Mayiyu adatchuka ndi nkhanza kwa abale a Ndagona. Anthu a kuchimuna ankati mtengwa wawo sankakhala bwino ndi ana ochokera kuchimunako. Chitsanzo chachikulu pakati pawo ankati chidali Chodziwadziwa, mwana wa Napichezi, mlongo wake wa malemu, amene adalekera sukulu panjira atachokera kutawuni kumene amakhala ndi banja la Ndagona.

Chodziwadziwa atabwerera kumudzi adauza anthu kuti adachoka kutawuni kuja chifukwa amake Ndaipalero ankamuzunza kwambiri. Kumudzi kuja anthu adakhulupirira zonena za mwanayu ndipo adangoti adzaona pakuti amake Ndaipalero adawachenjerera pogona.

Anthu akumudziwo sadadziwe kuti chifukwa chenicheni chimene Chodziwadziwa adachokera kutawuni chidali chakuti tsiku lina Chodziwadziwa ndi anzake asanu adapita kukayenda ku masitolo kutauni kuja. Ali chiyendere, adakumana ndi ana a Amwenye atatu amene adali kudya zakudya zosiyanasiyana. Chodziwadziwa ndi anzake aja adalephera kuugwira mtima ndipo

adatsomphola zakudya zija n’kuvulaza mmodzi mwa ana a Amwenye aja pothawa. Kholo la mwanayo lidaimba lanya ku polisi ndipo posachedwa apolisi adali nyomi pambuyo pa tiakapsala tija. Mwayi wa Chodziwadziwa udali woti sadagwidwe. Anzake onse aja adawakwidzinga unyolo.

Usiku wa tsiku limenelo Chodziwadziwa adalongedza katundu wake natulukira pazenera, waubutsa wa kumudzi. Atafunsidwa kumudzi chomwe adachokera kutauni, iye adangotchula pavunda khola. Iye adanama kuti wathawa amake Ndaipalero. Uku kudali kuyamba kwa chidani pakati pa mayiyu ndi akuchimuna.

Mfumu Zathaizi idafika itavala chimwamtairaufa chake dzuwa likuswa mtengo. Iyo idabwera ndi nduna ziwiri. Mwachepa, imodzi mwa ndunazi adapempha anthu kuti ayandikire kusiwa kuja kuti mwambo uyambe.

Mfunseni, nduna yachiwiri, adayamba kuyankhula, “Mosataya nthawi tipemphe mkokowogona wakuchimuna kuti usudzule amake Ndaipalero, zikomo.”

“Ife, mfumu, tilibe mtunda wautali.” Mwatipeza adafotokoza. “Titakhala pansi pamudzi pano tagwirizana kuti amake Ndaipalero ndi ana awo abwerere kwawo pakuti mnzawo amene adawabweretsa kunoyo watsamira mkono. Tiwasudzula ndi K5000 iyi. Ndikatero ndaima. Mukafunsa za chuma cha Ndagona, mayiyu ndi ana akewo satengapo kanthu. Iwowa zawo adadyeratu wathu ali moyo. Choncho nyumba, mipando, galimoto, ngondolo ndi zovala zonsezi titenga ndi ife kuti nafe tizipukutira misonzi.”

Mfumu Zathaizi idachita ngati yadzidzimuka kutulo ndipo idaimirira mokwiya kwambiri, imvekere, “Mwatipeza, khala chete ndipo khala pansi! Anthu adyera ndi oipa mitima ngati inu sindidawaone chibadwire changa! Tangoonani mkazi ndi ana a Ndagona ali apowo. Mukawalanda chumachi, mukuganiza kuti azikathandizika ndi chiyani? Malipiro a sukulu azikawatenga kuti? Kodi kumene Ndagona ndi mkazi wake ankapeza chumachi mudaliko? Ndafunsa zonsezi chifukwa cha mtudzu umene Mwatipeza wayankhula apa. Ndikudziwa kuti pamudzi pano muli ndi mangawa ndi mayiyu chifukwa cha zomwe adakuuzani Chodziwadziwa. Komatu leroleroli apolisi adali kunyumba kwanga ndipo andiuza chifukwa

chenicheni chimene nthymba wanuyu adachokera kutawuni. Si chifukwa cha amake Ndaipalero ayi, koma chifukwa cha magwiragwira a mwana wanuyu! Ndiye ine Mfumu Zathaizi, ndikuti chumachi ati atenge ndi mayiyu ndi ana ake. Inu yanu ikhala nyumba yokhayi pakuti ili pamudzi panu. Ikadakhala kwina akadaitenganso, koma ndaopa kuti mungawathyolerepo makosi anawa. Igwani apa ndi .....”

Mfumu Zathaizi sidatsirize mawu ake, pakuti apolisi adangoti balamanthu kutulukira. Chodziwadziwa adati ayesere kuthawa koma agalu apolisi adamuwakha. Manyazi, mantha ndi chisoni zidawagwira anthu a pamudzi paja. Adayamba kuchoka mmodzimodzi, mitu ili werawera, manja ali m’khosi.

**Tsopano yankhani mafunso otsatirawa m’ziganizo zomveka bwino.**

- (i) N’chifukwa ninji anthu adali khumakhuma pasiwa paja?

\_\_\_\_\_  
\_\_\_\_\_ (Malikisi 1)

- (ii) Perekani chinthu chimodzi chomwe chidakwiitsa atsibweni a Ndagona.

\_\_\_\_\_  
\_\_\_\_\_ (Malikisi 2)

- (iii) N’chifukwa chiyani amake Ndaipalero amafwenthera?

\_\_\_\_\_  
\_\_\_\_\_ (Malikisi 2)

- (iv) Tsimikizani kuti anthu a m’nkhaniyi ankakhulupirira miyambo yamakolo.

\_\_\_\_\_  
\_\_\_\_\_ (Malikisi 2)

- (v) N’chifukwa chiyani amake Ndaipalero sadaloledwe kugwira katundu wamasiye?

\_\_\_\_\_  
\_\_\_\_\_ (Malikisi 2)

- (vi) N’chifukwa ninji Mmwenye adaimba lamya ku polisi?

\_\_\_\_\_  
\_\_\_\_\_ (Malikisi 2)

(vii) Perekani mayina a nduna ziwiri za mfumu Zathaizi.

\_\_\_\_\_  
\_\_\_\_\_  
(Malikisi 2)

(viii) N'chifukwa ninji Mfumu Zathaizi adapsa mtima?

\_\_\_\_\_  
\_\_\_\_\_  
(Malikisi 2)

(ix) Ndani adauza Mfumu Zathaizi chifukwa chenicheni chimene Chodziwadziwa adachokera kutawuni?

\_\_\_\_\_  
(Malikisi 1)

(x) Pezani mawu m'nkhaniyi omwe akufanana m'matanthauzo ndi awa;

a. "akuba aang'onoang'ono"

\_\_\_\_\_  
(Malikisi 1)

b. "nkhosa"

\_\_\_\_\_  
(Maliksi 1)

c. "jasi"

\_\_\_\_\_  
(Malikisi 1)

(xi) Pezani zining'a m'nkhaniyi zomwe matanthauzo ake ndi awa;

a. Sadapirire

\_\_\_\_\_  
(Malikisi 1)

b. Wamwalira

\_\_\_\_\_  
(Malikisi 1)



**Gawo C (Malikisi 15)**

Werengani nkhani yotsatirayi mosamala. Ili ndi mawu 176 ndipo muyifupikitse kuti ikhale ndi mawu osachepera 57 koma osapitirira 67.

**Zikhulupiriro za kale**

Kalekale m'mudzi mukamagwaigwa matenda, imfa, chilala, kupsaipsa kwa nyumba kapena kuvulazidwa kwa anthu, ambiri amakhulupirira kuti pali makhalidwe oipa omwe anthu ena akuchita m'mudzimo. Zikatero mfumu, nduna zake ndi akuluakulu ena m'mudzimo amakhala panso ndi kufunsana zomwe angachite kuti athane ndi zinthu zomwe zimaopseza mtendere wa mudzi wawo.

Akaganizira kuti bambo, mayi, mnyamata, kapena msungwana wina wake akuyenda mokaikitsa m'mudzimo, amamuitanitsa ndi kumufunsa nati, "Tiuze mwana wathu, usatibisire kanthu." Amatero kuti munthuyo aulule ngati adaba kanthu ka wina, adayenda ndi mkazi kapena mwamuna wamwini kapena ngati sadalongosole zizimba.

Munthu akakana anthu aja amaitanitsa msonkhano wa mudzi wonse. Amaperekanso mwayi kwa anthu omwe adasonkhana pa malopo kuti adziulule kapena aulule yemwe akumuganizira kuti ndiye gwero la zoopsa zomwe zikusakaza m'mudzimo.

Akapezeka munthu kapena anthu omwe akuluakulu aja amafufuzayo, nthawi zina amangomulipitsa kanthu kapena amamupatsa chilango chokhwima kuti anthu ena a m'mudzimo asadzachite ngati zomwe munthuyo adachita.

Nthawi zina amaitanitsa wa ula kuti afufuze chenicheni ndiponso amene akukhudzidwa pa mavuto otere. Chilango cha anthu opezeka kudzera mu njira imeneyi chimakhala kuthamangitsidwa m'mudzimo kapena kuponyedwa miyala kumene kuti afe.

---

---

---

---

---

---

---

**STUDENT NAME** \_\_\_\_\_ **SCHOOL** \_\_\_\_\_

**2024**

Page 10 of 11

M032/II

[illegible]

